



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 53. Concilii Sententia.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Christum assumpsisse Naturam huma- Sæculum VII
nam integram, & ex consequenti vo- A. C. 649.
luntatem, Animæ rationali naturalem.

§. LIII.

Concilii Sententia.

Postquam Concilium hujus Materię
fundamenta examinasset, viginti Ca-
nones condidit, qui Sententiam comple-
ctuntur. Damnatur, quicumque non
confitetur Trinitatem & Incarnationem
Verbi, Mariam esse Matrem Dei, Jesum
Christum Deo Patri suo & Virgini Ma-
tri suæ consubstantialem esse, unam esse
Verbi Incarnati Naturam, duas Naturas
in eo subsistere distinctas sed Hypostati-
ce unitas, easdem servare suas proprie-
tates, Jesum Christum habere duas Vo-
luntates & duas Operationes Divinam
& Humanam.

Sequitur, illos damnari, qui in Jesu
Christo unam tantum Voluntatem & u-
nam Operationem affirmant, qui reji-
ciunt duas Voluntates, qui nec unam nec
duas Voluntates affirmare volunt, qui
per Operationem Theandricam unicam
adstrui Operationem affirmant, qui di-
cunt, duas Voluntates in Jesu Christo
Divisionem parere, qui omnia, quæ do-
cuerunt Patres, & quinque Concilia Ge-
neralia nec ullo apice excepto non reci-
piunt. Damnantur, quicumque non ana-

K 2 thema-

p. 350.

c. 1. 2. 3.

c. 4.

c. 5.

c. 6.

c. 7. 8.

c. 9.

c. 10. 11.

c. 12.

c. 13.

c. 14.

c. 15.

c. 16.

c. 17.

c. 18.

Sæculum VII thematizant omnes Hæreticos, præser-
A. C. 649. tim illos, qui Trinitatem & Incarnatio-
 nem oppugnarunt. Hi omnes hic no-
 minantur ab ætate Sabellii & Arii usque
 ad Origenem, Didymum, & Evagrium.
 Subjunguntur illi, qui eorum errores am-
 plexi sunt, scilicet, Theodorus Pharanita,
 Cyrus Alexandrinus, Sergius Con-
 stantinopolitanus, ejusque Successores
 Pirrhus & Paulus. Item quicunque Ec-
 clesiam impiam, & Typum impium reci-
 piunt, quicunque Depositionis ab Hære-
 ticus contra Catholicos pronunciatae a-
 liquam rationem habent. Tandem da-
 mnantur, qui dicere præsumunt, Hære-
 ticorum Doctrinam eandem esse ac Pa-
 trum & Conciliorum, & qui novas Fidei
 expositiones componunt, vel novas quæ-
 stiones afferunt.

c. 19.
 Papa subscripsit in hunc modum:
Martinus Dei Gratia Episcopus Sanctæ
 p. 362. *Ecclesiæ Catholicæ & Apostolicæ Civi-*
tatis Romanæ subscripsi ut Judex huic
Definitioni, quæ Fidem Orthodoxam con-
firmat, & condemnationi Theodori olim
Episcopi Pharanitæ, Cyri Alexandrini,
Sergii Constantinopolitani, Pirrhi &
Pauli ejus Successorum, Librorum etiam
ipsorum hæreticorum, Ecclesiæ impiæ &
Typi impii, quem ediderunt. () Omnes*
 ceteri

(*) Ecclesiæ Romanæ Adversarii ad hunc
 locum

ceteri Episcopi numero centum & quin- Sæculum VII
 que in eundem modum subscripserunt. A.C. 649.

K 3

Joan-

locum cavillari possent: *Ecce, Fidem, quam Patriarchæ Constantinopolitani profitentur, Romani Episcopi in suis Conciliis damnant, & anathematizant, & ex adverso Constantinopolitani Patriarchæ in suo Typo & Ectesi omnibus a se dissentientibus Anathema dicunt! cui denique Parti credendum?* Nempe illi, cujus Sententiam assistente Spiritu Sancto fuisse pronunciatam, semper, serius aut citius, Ecclesiæ Universalis consensus demonstravit.

Ceterum studiosus Historiæ Ecclesiasticæ Lector non sine maxima admiratione hinc Dei, Ecclesiam suam regentis, Potentiam & Sapientiam, & inde Hæreticorum per omnia Sæcula singulos Fidei Articulos quasi servato ordine, incipiendo a principiis & ad conclusiones descendendo, oppugnantium nequitiam facile observabit.

Vix SS. Apostoli verum Deum, Unum, & Trinum prædicare, & Falsorum Deorum cultum expugnare cœperant, cum multiplices Hæreses exortæ sunt, quæ Unius Dei Fidem, & Trinitatem destruebant. Secuti sunt Arianæ, Jesu Christi Divinitati bellum indicentes. His successerunt Nestoriani unam Personam, & Eutychiani duas Naturas in Jesu Christo negantes. His ab Ecclesia damnatis Monothelitæ de Ejusdem Voluntate & Operatione litigare cœperunt. Tandem supervenerunt, Jesu Christi Gratiæ, Ejusdem in Eucharistia præsentia, & liberi
 Homi-

Sæculum VII Joannes Episcopus Mediolanensis, &
 A. C. 649. quidam alii, qui Synodo non interfue-
 rant,

p. 367.

Hominis Arbitrii hostes. Quid vero dicendum de quibusdam hodiernis Scriptoribus, nescio, an occulte hæreticis vel malis Christianis, qui, cum vix aliquis novus error ab Ecclesia Romana necdum damnatus, excogitari possit, ipsa Religionis Christianæ & revelatæ fundamenta evertere, aliquid Idololatria si non pejus, saltem nihilo melius, scilicet Materialismum invehere, & Animæ Immortalitatem negare videntur? Hujus generis Philosophorum feracissima est Anglia; sed nec in Gallia desunt, & eorum numero accenseri potest Scriptor Libri, cui Titulus præfixus: L' Esprit, *Spiritus*; hunc enim, præter alios septem ejusdem ferme farinæ Libros Orator Regis mense Januario hujus anni 1759. ad Majorem Curiam damnandum detulit. Ex Propositionibus illis, quas Orator excerptis, licebit, velut ex ungue leonem cognoscere. Dicit Scriptor hic, quem Dominum *Helvetium* nominari ferunt, pag. 2. *Potentia cognoscendi in homine est passiva & physica sensatio non nisi majore perfectione a sensatione Brutorum distincta. Item, Immaterialitas & Immortalitas Animæ demonstrari non possent, nisi Ecclesia hoc credendum definivisset.* Adducto deinde exemplo Saducæorum, Turcarum, Sinarum, probare intendit, timori pœnarum hujus vite esse æqualem vim homines ad Virtutem excitandi, ac illi, qui ob pœnarum æternitatem incutitur.

Hic

rant, postea subscripserunt, nominatim Sæculum VII
A. C. 649.
quinque Personas, *Ectesim*, & *Typum* da-
mnantes.

Acta hujus Concilii statim in Sermo-
nem Græcum, ut Monachi Palæstinæ in
suo libello supplici petierant, translata
sunt, ita ut huic Versioni æque ac Autho-
grapho sua constet Auctoritas. Imo a-
liqua in hoc Concilio Acta reperiuntur,
quæ ex Græco in Latinum conversa vi-
dentur; nam non consueto Veterum sti-
lo de verbo ad verbum a Notariis, prout
ex ore loquentium excipiebantur, con-
scripta sunt. Nullæ hic exclamationes,
nullæ interpellationes, non oratio vehe-
mentior, ut in subitis loqui solemus, sed
sunt sermones prævie elaborati, plerum-
que prolixo admodum, immixtis pluri-

p. 327. 328.

K 4 mis

Hic Liber Romæ damnatus, Parisiis manu
carnificis flammis traditus, & Scriptor in Basti-
liam migrare jussus. Censor quoque & Typo-
graphus pœnas dederunt. Illud etiam suspe-
ctum esse meretur, quod hujus modi Scripto-
res libris suis Titulum præfigere soleant (qua-
lis hic est: *Spiritus*) ambiguum adeo, ut quid
absolute sentiant, vel affirmare velint, non satis
appareat; hinc placet Crisis in hunc Scriptorem
acerbe ludens, quæ in pagellis quibusdam eru-
ditorum legitur: *Il creve d' Esprit*. Nempe,
Stultescit, qui nimium sapit. Postea legi, hunc
Auctorem coram Judice retractasse.

Sæculum VII^m in Scripturæ Textibus, & argumentorum connexiono sæpe a longe petenda. A.C. 649. Unde verisimile est, acta jam prius conscripta fuisse allata, & in Concilio recitata. Litterarum studium illa ætate Romæ languebat. Nemo sermone simplici & conciso utebatur, forte etiam ars notis scribendi interierat, aut lingua latina vulgaris usque adeo corrupta erat, ut illo stilo, quo loquebantur, scribere erubescerent.

§. LIV.

Epistolæ S. Martini Papæ in Orientem missæ.

*Anast. in
Mart. to. 6.
Cont. p. 367.*

Papa hæc Acta quoquoersum in Orientem & Occidentem cum multis Epistolis partim nomine Concilii, partim suo scriptis dimisit. Prima est Epistola circularis ad omnes Fideles directæ, in qua errorem Monothelitarum refert, tum Concilii convocandi necessitatem, & quæ in eo acta fuissent. Deinde subjungit: *Hæc Acta ad omnes Fideles mittimus, ut nos coram Deo innocentes simus, & refractarii excusationem non habeant. Itaque, nolite Novatoribus aures dare, aut timere homines, quorum vita præterit, sicut herba arefcens & quorum nullus pro nobis crucifixus fuit.* Nempe facile prævidebat vehementem Impe-